



Ք Ա Ղ Վ Ա Ծ Ք Ն Ե Ր

ԳԵՐԱԳՈՒՅՆ ՀՈԳԵԿՆՈՐ ԽՈՐՀՈՒՐԴԻ ՆԻՍՏԵՐԻ ԱՐՁԱՆԱԳՐՈՒԹՅՈՒՆՆԵՐԻՑ

1957 թ. ՄԱՐՏԻ 25-Ի ՆԻՍՏԻՑ

Գերագույն Հոգևոր Խորհրդի նիստում լսվեց Մայր Աթոռի ղեկավար Հաշվապահ պ. Գ. Քեչյալանի ղեկուցումը Մայր Աթոռի, ներքին թեմերի և առանձին եկեղեցիների 1956 թվականի տարեկան հաշվետվությունների և 1957 թվականի նախահաշիվների հաստատման մասին:

Գերագույն Հոգևոր Խորհուրդը որոշում ընդունեց «Էջմիածին» ամսագրի ապրիլի համարում հրատարակել Մայր Աթոռի 1956 թվականի հաշվետվությունը և 1957 թվականի հախահաշիվը:

Գերագույն Հոգևոր Խորհրդի սույն նիստում լսվեց Վեհափառ Հայրապետի հաղորդումը Ս. Երուսաղեմի պատրիարքական ընտրության մասին: Մարտի 20-ին, Երուսաղեմի հայոց Պատրիարքարանի հանդիսությանց դահլիճում գումարված Սրբոց Հակոբյանց միաբանության պատկանելի ժողովը Ս. Երուսաղեմի հայոց Պատրիարք

է ընտրել Տեղապահ ամենապատիվ Ս. Տիրան արքեպիսկոպոս Ներսոյանին:

Գերագույն Հոգևոր Խորհուրդը խորունկ գոհունակությամբ արձանագրեց ամենապատիվ Ս. Տիրան արքեպիսկոպոս Ներսոյանի պատրիարքական ընտրությունը և խնդրեց Վեհափառ Հայրապետից հայրապետական հատուկ կոմսակ հղել Ս. Տիրան արքեպիսկոպոսի պատրիարքական ընտրությունը հաստատելու համար:

Գերագույն Հոգևոր Խորհուրդը ի գիտություն ընդունեց նաև Երուսաղեմի հայոց վանքի միաբանական ժողովի որոշումը, Ս. Եղիշե արքեպիսկոպոսին միաբանության շարքերից վտարելու առնչությամբ:

Գերագույն Հոգևոր Խորհրդի սույն նիստի որոշումով, Երևանի Ս. Սարգիս եկեղեցու քահանա Ս. Իգնատիոս Մովսիսյանին նշանակվեց կենսաթոշակ՝ ծերության համար:

1957 թ. ԱՊՐԻԼԻ 12-Ի ՆԻՍՏԻՑ

Գերագույն Հոգևոր Խորհուրդը իր սույն նիստում քննության առաջ էր առնում Հայոց Սրբոց Հակոբյանց վանքի միաբանական ընդհանուր ժողովի տրոշումը՝ եղիշն արքեպիսկոպոսին միաբանության շարքերից արտաքսելու մասին:

Գերագույն Հոգևոր Խորհուրդը մի անգամ ևս հանգամանորեն քննելով Տերտերյան արքեպիսկոպոսի հարցը, դատապարտելի է գտնում նրա արարքները և խնդրում է վեհափառ Հայրապետից՝

1) Հաստատել եղիշն արքեպիսկոպոսի նկատմամբ միաբանական ընդհանուր ժողովի կողմից կայացված բոլոր տրոշումները:

2) Ետ առնել նրանից արքեպիսկոպոսի պատիվը:

3) Կախակայել նրան փրկնադրելով:

4) Նրա հարցը՝ ներկայացնել առաջիկա նպիսկոպոսական ժողովին, վերջնական որոշում ընդունելու համար:

5) Մինչև նպիսկոպոսական ժողովի գումարումը և նրա մասին վերջնական վճիռ կայացումը, Տերտերյան արքեպիսկոպոսի համար պարտադիր բնակավայր սահմանել Բեթղեհեմի հայոց Ս. Ծննդյան վանքը, սկսած 1957 թվականի մայիսի 1-ից:

6) Եվ եթե մինչև նպիսկոպոսական ժողովի գումարումը եղիշն եպիսկոպոսը իր տրեք մեկ ձեռնարկով անտեսի վերոհիշյալ որոշումները և շարունակի վնաս հասցնել Հայ եկեղեցուն և Երուսաղեմի Աթոռին, խնդրել Ամենայն Հայոց Կաթողիկոսից՝ տնօրինելու պարտ ու պատշաճ՝ վերջնական վճիռ կայացնելով նրա նկատմամբ:

